

## 滿江紅

岳飛

怒髮衝冠，憑闌處、瀟瀟雨歇。抬望眼、仰天長嘯，壯懷激烈。  
三十功名塵與土，八千里路雲和月。莫等閒、白了少年頭，空悲切。  
靖康恥，猶未雪；臣子恨，何時滅！駕長車、踏破賀蘭山缺。  
壯志飢餐胡虜肉，笑談渴飲匈奴血。待從頭、收拾舊山河，朝天闕。

註：以上僅就坊間所見資料，提供一個參考版本；教師亦可參考、使用其他版本。